

# EDICION SPECIAL HIMNO Y BANDERA

## Nos tradicionnan

(Saca for di buki Un rat'i ora cu Tanta Dora)

Diadomingo ta dia di bay misa y tin cu lanta tempran ya cu ta na pia tabata bay. E Santo Sacrificio di misa ta cuminsa 5'or di marduga. E dia ey ta dia di sosiego; ta cushna so ta cushna, ricibi bishita of bay haci bishita, borda, sinta combersa of hunga domino. No lubida e kofie cu pandushi of pida dede, e nomber di cariño pa driguidek. Tambe tin



mancaron pa bebe cu kofie. E tin pida pida coco aden. Como cu nos tin un solo hopi skerpi antes tur hende homber y e mucha hombernan tabata bisti sombre. Ningun hende no tabata cana cabes sunu, e solo ta tosta bo cabey. E sombre tabata di cabana y pa misa diadomingo e hende homber grandinan ta bisti sombre di lana of sincuri. E mchuha muhenan ta mara lenso pa misa, of ta bisti un gora gehaak di sayet. E goranan ey tabata di diferente colo y nan tabatin cioshi padilanti. E damanan ta uza velo, esta esnan mas jong y e otro nan cu tin un poco mas edad ta uza abrigo. E velo ta mas cortico. E abrigo ta mas largo, ta yega te na e cintura y ta masha bunita di canchi cu su puntanan fraña. Despues a bin moda di sombre, anto masha

bunita. tin cu rand grandi, otro cu twil cu ta tapa cara, otro cu strik patras of pluma na banda of rand cu flor ariba. Nos grandinan semper tabatin cabey largo. Dios libra, no ta corta cabey te tres dia despues di luna nobo; ta rapa un tiki di e punta di cabey. Ta peña e cabey mande patras y ta lore na popo. Ta wanta e popo cu haarspeld y ta pone un marchante su dilanti. Marchante ta un peña den forma di mita luna yen di stench. Tambe ta peña

boekel padilanti, esta ta lanta e cabey un tiki na laira y e resto ta hinca den net. Na banda ta pnope pim of gancho y na cabes di e pim tin strea masha bunita cu ta lombr. Den siman ta vlecht e cabey y ora ta drenta cushina pa haci cuminda ta mara e cabes cu un lenso di bocatana y ta bisti lantera

pa no susha e shimis. Muchanan ta haya un babado, no e baby nan so, pero esnan basta grandi tambe. Muchanan tin cabey largo y pa bay scol ta vlecht e cabey pero pa diadomingo ta peña pijpekrul. Mucha muhenan cu ta bay scol ta uza un kloops, esaki ta manera un mantel

hacho, sin manga cu ta mara cu sinta bao di e cachete y ta tapa bo brasanan pa solo.

E mucha hombernan ta bisti carson cortico. Ta nos cosedonan mes ta cose e carsonnan. Carson cortico ta mas economico de no ta hiba hopi paña. Te hasta e flus di ricibimeto su carson ta cortico. Carson largo e mucha hombernan ta bisti ora nan caba seis klas y ta bay renoba, e ora ey e flus tin carson largo. Renoba kiermen nan ta renoba nan promesa di bautismo. Ora nan batista ta e madrina cu padrino ta haci esey. Wel ora nan caba seis klas, bao di un lof solemn, nan ta responde e preguntanan cu pastor ta haci nan y cu dia di nan bautismo e madrina y padrino a representa nan. pa e ocasion ey no solamente e mayorann ta presente, pero em adrina cu padrino tambe y despues tin un brinda chikito na cas. lastima cu e customber ey tambe a bay perdi. Nos bistanan di antes, principalmente di e grandinan tabata saya cu djeki. Nan tabata masha bunita y luhoso. E blusa manga largo ta cosi di borduur, mayoria biaha colo blanco. Na punta di e manga tin e canchi tur gepof, mescos cu na garganta. Abao na rand di e blus ata bin dos of tres careda di falchi di e mes un tela cu e blusa. E blusa ta cosi den forma di un bachi pa drumi riba e saya.

E saya ta largo te na pia abao, pero e tin diferente



falchi un bao di otro cu nos ta yama gran falchi. Bao di e blusa ta bisti e ropiyo (bh), cu e cosedo mes ta traha y ta gume bons tijf, pa e pecho pro haya bunita forma; riba dje ta bin e camisa y despues e saya di strep of e camisa. E camisa no tin strep, ta pone bao di e pecho y e tin dos sinta ta mara cada banda. Esnan di mas edad ta bisti camisa. E carson di abao ta cu pia cu falchi of borduur na e pia y e ta yega net riba e rudia. Na nan cabes ta mara un lenso den forma di tres punta tur borda y riba e lenso ta bin e abrigo. E sapato ta den forma di un laars cu nos ta yama breca y ta aki mes nos tabatin nos sapatenan.

E breca ta cera cu boton chikito na banda. Nos sapatenan di antes tabata To Croes, nos ta yame To Sapate. Un otro bon conoci tabata Djidji Heronimo. Tur dos tabata biba na Playa. Awendia un porta di dos pida tambe nos ta yama saya cu djeki. E por-

tanan saya cu djeki ta cera cu rendo pero e portanan di blad ta cera cu tranca. Tranca ta un pida palo di dwars cu bo ta pone paden di e porta di punta te punta; e ta sinta den dos pida palo cada banda, pesey nos tin un dicha cu ta bisa cos a tranca, esta cos no a bay bon, cos a pega. E bentanan di blad ora nan ta habri tin penchi pa wanta nan.

Den e muraya ta hinca un pida palo basta bruto cu tin un buraco aden. Ora ta habri e bentana ta pasa e blad riba e palo cu tin buraco aden y ta hinca un penchi palo den e buraco asina e bentana no ta dal cera. Tambe por uza werchi y despues a bin haak. E scarnirnan cu ta uza pa e porta di blad nos ta yama hens. Nan ta bruto y tin un buraco den s carnir, esaki ta bay sinta den pida hero cu ta claba den e kozijn. Awendia nos damanan ta uza corset of step-in pa duna nan curpa un bon figura. Un mal omber pa e articulonan aki ta chinch yewa of pronkia macho.



*Drumi cu galiña, lanta cu gai*

*Drumi tempran y lanta tempran*